



Pou Piblikasyon Imedya: 30/08/2022

GOUVÈNÈ KATHY HOCHUL

## GOUVÈNÈ HOCHUL ANONSE INOGIRASYON POU NOUVO WEST SIDE BAZAAR NAN BUFFALO

***Enkibatè ti biznis la pral kentiple gwosè li, atire plis kliyan, epi sipòte lòt opòtinite pou antreprenè ki defavorize ekonomikman yo***

***Reprezantasyon grafik pou novo West Side Bazaar disponib isit la***

Gouvènè Kathy Hochul te anonse jodi a konstriksyon deja kòmanse nan kad yon pwojè 11.5 milyon dola pou kreye yon novo West Side Bazaar ki elaji yon fason sinifikatif. Fonde pa Inisyativ Developman Ekonomik Westminster (Westminster Economic Development Initiative, WEDI) an 2011, enkibatè ti biznis West Side Bazaar la te vin byen vit yon destinasyon pou fè acha ak manje ki popilè pou moun nan lokalite ak touris k ap chèche manje inik ak opòtinite pou vann an detay.

"Pandan plis pase 10 ane, West Side Bazaar te bay antreprenè ki defavorize yo opòtinite pou transfòme rèv yo an reyalite", **Gouvènè Hochul te deklare.** "Mwen renmen vizite mache a, rankontre ak tandem istwa vandè yo nan Bazaar la. Nouvo lokal West Side Bazaar la pral yon avantage ekonomik enpòtan pou kominate a, sa k ap atire plizyè milye vizitè epi ede katye Niagara Street ak Buffalo pwospere."

**Bazaar** la, ke se Inisyativ Developman Ekonomik Westminster ki opere li, se yon enkibatè ti biznis inik ki sipòte antreprenè sou wout yo pou yo vin pwopriyetè biznis ki fè siksè. Li gen ladan plizyè vandè manje epi ki vann an detay ki vann bon jan kalite pwodwi otantik ki soti atravè mond lan. Bazaar la sèvi fanm, minorite, refijye, imigran ak lòt moun ki pa kalifye pou sipò nan men enstitusyon bankè ak finansye tradisyonèl yo nan bay mikwokredi ak asistans teknik pou biznis. Jiska dat, West Side Bazaar deja enkibe plis pase 48 ti biznis.

**Direktè Egzekitif Inisyativ Developman Ekonomik Westminster a, Carolynn Welch, te deklare,** "Nou kontan anpil pou developman sa a epi nou pa ka tann pou nou transfòme yon biling vid an yon destinasyon ki vibran pou kominate West Side la ak tout rejon Lwès New York la. Nou espere wè lòt biznis rejwenn nou nan Niagara Street pou ajoute sou momenntòm nou deja ap eksperimente nan kominate a. Ak pi gwo espas sa a genyen pi gwo opòtinite ki vini ak li pou antreprenè ki defavorize

ekonomikman yo ki kontan pou posede ak opere yon biznis nan vil nou an. Ansanm, n ap kreye yon kote ki kenbe gwo pwomès pou rejyon nou an."

West Side Bazaar aktyèl la nan 25 Grant Street atire dè milye vizitè pa semèn e gen yon lis datant ki gen 125 antreprenè aspiran ki vle vann. Yo te lanse anpay finansman pou deplase ak elaji Bazaar la "Konstwi Kominote, Konswi Opòtinite, Konswi Nouvo West Side Bazaar la" (Building Community, Building Opportunity, Building the New West Side Bazaar) nan prentan 2021. Renovasyon biling vid ki mezire 16,000 pye kare a nan 1432 Niagara Street pral bay espas pou 24 restoran, biznis ki vann an detay ak sèvis pwofesyonèl, kwizin pou esèy ak lokasyon pou chèf endepandan yo, salklas, espas evènman ak syèj pou plis pase 200 kliyan.

Etid Fezabilite Ekonomik WEDI a pwojete yon enpak ekonomik enpòtan atravè depans dirèk ak endirèk, ki estime ak apeprè 34 milyon dola sou senk ane epi li ka gen jiska 250,000 vizitè chak ane. Li pral kontribye tou nan dinamik ak aksesibilite pou pyeton West Side la epi ogmante lavant pou biznis yo nan zòn nan.

Asistans enkibatè biznis WEDI a, ki gen ladan prè pou ti biznis ak ankadreman an tèm plan biznis, disponib pou tout moun ki soti nan yon orijin ki defavorize ekonomikman — pa sèlman imigran — ki bezwen sipò pou kòmanse yon biznis.

**Vandè West Side Bazaar la, Akec Aguár, te deklare**, "Ouvri yon restoran se rèv tout lavi mwen epi mwen enfiniman rekonesan anvè WEDI pou opòtinite sa a. Tout moun ta dwe mande tèt yo kisa yo ka fè pou West Side Bazaar pou fè li fè siksè nan novo lokal li a."

CJS Architects, yon konpayi ki popilè pou pwojè reyitilizasyon adaptif li yo, te fè konsepsyon novo kay la pou West Side Bazaar nan Ri Niagara. Biling an brik de etaj la te konstwi an 1910. Transfòmasyon an pral klere lari a ak gwo pòt vitre ki gen estil garaj, prezèvè fenèt istorik an blòk vè yo nan tou de etaj yo, epi li pral genyen yon atriyòm likàn ki gen de etaj ak yon eskalye santral an bwa planche jimnastik rekipere.

Pou ede Bazaar relokalize ak elaji, Empire State Development, atravè Konsèy Developman Ekonomik Rejyonal (Regional Economic Development Council, REDC) Lwès New York la, te bay yon sibvansyon kapital ki totalize 539,187 dola. Bazaar la te resevwa tou yon 500,000 dola nan kad Inisyativ Gran Ri Buffalo (Buffalo Main Streets Initiative) nan 5èm Faz Pi Bon Finansman Pou Buffalo (Better Buffalo Fund) a, ki te administre pa Biwo Renouvèlman Kay ak Kominote (Homes and Community Renewal, HCR) NYS.

The West Side Bazaar la pral rete ouvè nan 25 Grant Street jiskaske renovasyon biling Niagara Street yo fini nan otòn 2023.

**Prezidan, Direktè Egzekitif Jeneral ak Komisè Empire State Development Ian, Hope Knight, te deklare**, "West Side Market la te yon limyè espwa pou anpil antreprenè talantye k ap travay pou yo kòmanse yon novo biznis. Li pi plis pase jis yon

kote pou mete kanpe yon magazen; Bazaar la bay tou sipò enpòtan ki nesesè pou fè yon rèv tounen yon biznis ki fè siksè. Gras a Gouvènè Hochul, nouvo pi gwo lokal la pral pèmèt anpil antreprenè pwofite davantaj opòtinite inik sa a."

**RuthAnne Visnauskas, ki se Komisè Renouvelman Kay ak Kominote nan Eta New York, te deklare,** "Atravè Inisyativ Gran Ri Buffalo a, nou envesti nan pwojè kominotè yo ki bay kòm rezulta distri komèsyal ki pi aktif, dinamik, e ki pi atiran nan Buffalo ki kontribye nan kwasans ekonomik vil la ak amelyore kalite lavi. Nouvo West Side Bazaar la pral transfòme yon depo istorik ki vid an yon sant ekonomik ki pral benefise antreprenè lokal yo, ki gen ladan biznis refijye ak imigran ap dirije yo, epi li pral sèvi kòm yon destinasyon enteresan ak kote rasanbleman pou rezidan yo ak vizitè yo. Nan premye ane a sèlman, West Side Bazaar espere kreye oswa kenbe 24 biznis ak ogmante vizit anyèl la pa senkant pousan. Nou remèsyé Gouvènè Hochul ak anpil patnè nou yo paske yo te lanse pwojè inovan sa a."

**Koprezidan Konsèy Developman Ekonomik Rejyonal Lwès New York ak Prezidan Buffalo State College, Doktè Katherine Conway-Turner,** "REDC rekonèt enpòtans vital West Side Bazaar, ki atire vizitè yo, sipòte kominote a ak amelyore opòtinite iben pou imigran ak refijye yo ki kontan pou devlope biznis pa yo. Envestisman nan yon nouvo biling lan pral fè eksperyans West Side Bazaar la plis agreyab menm."

**Koprezidan Konsèy Developman Ekonomik Rejyonal Lwès New York ak Kofondatè Campus Labs, Eric Reich te deklare,** "Tout moun renmen West Side Bazaar la, nan pwen le li te vin twò gran pou lokal li a nan Grant Street. REDC rekonèt ke lè nou sipòte ekspansyon nan nouvo lokal nou ap ede bay espas enkibatè a yon pi gwo kantite antreprenè dinamik, ogmante touris nan zòn nan rejyon an, epi amelyore vitalite jeneral yon katye Niagara Street."

**Reprezantan Brian Higgins te deklare,** "Nouvo lokal West Side Bazaar la afime sa nou konnen - ke divèsite Buffalo se fòs li epi li se yon katalizè pou developman ti biznis ak estabilite ekonomik. Lokal Niagara Street Bazaar la pral bay pi gwo opòtinite pou antreprenè yo kreye nouvo mache pou pwodwi pa yo. Li pral revitalize tou yon lòt biling istorik, k ap kontinye efò pou fè pase endistriyèl nou an randre nan lavni. Nou fyè pou nou wè pwojè ekspansyon sa a ke yo t ap tann depi lontan kòmanse."

**Senatè Eta a, Sean Ryan te deklare,** "Mwen kontan anpil pou m selebre yon lòt etap nan transfòmasyon kontinyèl Niagara Street - e sa a se yon gwo etap. West Side Bazaar la se deja yon senbòl briyan nan anpil gwo kontribusyon popilasyon imigran ak refijye nou yo fè nan kominote nou an. Agrandisman sa a pral pote plis gran ti biznis menm nan West Side la."

**Manm Asanble Jon D. Rivera te deklare,** "Depi kreyasyon li an 2011, West Side Bazaar la te plis pase yon enkibatè kote pwopriyetè biznis imigran ki antreprenè yo ka fè rèv pwofesyonèl yo vin reyalize. Espas la deja tounen yon sant kominal, epi kounye a li sèvi kòm yon mikwozom pou dinamik ak rezilan Buffalo ki alimante pa imigran yo. Nouvo lokal Bazaar la, ki pral ofri plis espas ak resous pou antreprenè li yo, pral tounen

yon lòt egzanz sou trajetwa ekonomik asandan kontinyèl nan Buffalo epi li pral reprezante istwa siksè ki pi modèn nan West Side."

**Majistra Buffalo, Byron W. Brown, te deklare**, "West Side Bazaar la te yon avantaj fòmidab pou anpil imigran, refijye, ak lòt antreprenè defavorize yo ki te rele li lakay pandan dènye deseni an. Li te ajoute tou yon gwo varyete nan kilti manje Buffalo a, li te vin tounen yon lokal ke yo dwe vizite pou moun yo nan lokalite a ansanm ak vizitè yo. Sit ki pi gwo a pral pèmèt Bazaar la ak vandè li yo monte nan pi wo nivo, bay lokatè li yo, Vil Buffalo, ak rejyon nou an pi gwo avantaj ekonomik."

Pou plis enfòmasyon sou West Side Bazaar la, klike [isit la](#). Pou jwenn plis enfòmasyon sou WEDI, klike [isit la](#).

### **Enfòmasyon sou Empire State Development**

Empire State Development se prensipal ajans developman ekonomik New York ([www.esd.ny.gov](http://www.esd.ny.gov)). Misyon ESD se pou pwomouvwa yon ekonomi ki djanm epi k ap grandi, ankouraje kreyasyon nouvo travay ak opòtinite ekonomik, ogmante resèt pou Eta a ak minisipalite li yo, epi fè ekonomi lokal yo vin estab ak divèsifye. Gras a itilizasyon prè, sibvansyon, kredi taks ak lòt fòm asistans finansye yo, ESD ap fè efò pou amelyore envestisman biznis prive ak kwasans pou sipòte kreyasyon travay epi sipòte kominate pwospè yo toupatou nan Eta New York. ESD se egalman ajans administratif prensipal k ap kontwole Konsèy Developman Ekonomik Rejyonal yo ak komèsyalizasyon "I LOVE NY", mak touristik anblematik Eta a. Pou jwenn plis enfòmasyon sou Konsèy Rejyonal yo ak Empire State Development, vizite [www.regionalcouncils.ny.gov](http://www.regionalcouncils.ny.gov) ak [www.esd.ny.gov](http://www.esd.ny.gov).

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418